



Inatsisartut suleriaasianni § 37 imm. 1 naappertorlugu Naalakkersuisunut apeqqutit imaattut matumuuna saqqummiuppakka;

Naalakkersuisunut apeqqutit:

- 1. Qanga kingullermik isumalioqatigiissitap sulinerup killiffianik inatsisartunut Naalakkersuisunullu pappiaranngorlugit ilisimatitsippat?**
- 2. Tunngaviusumik inatsisisap suliarinerani tunngavissat qassit suliarineqarpat?**
 - a) Tunngavissanik arlariinnik sulisoqarpa?**
 - a.1) Tassani pineqarput toqqaannartumik naalagaaffinngornissaq tassalu Naalagaaffik Kalaallit nunaat?**
 - a.2) Imaluunniit aamma sulisoqarpa Kunngeqarfiup ataani Namminersulernissamik anguniagalinnik?**
- 3. Suliap killiffianik qaqgu innuttaasut nunaqarfinni illoqarfinnilu ataatsimiititsisaqattaarnikkut malinnaatinneqassappat isummersornissaminnut isumalioqatigiissitap tunngavissanik suliaqarnerani aallaaviit innuttaasunut oqallissutigitissallugit?**
- 4. Suut isumalioqatigiissitami anguniagaanersut pillugit innuttaasunut qaammarsaammik aviisimik saqqummiussisoqarniarpaa?**
- 5. Innuttaasut isummersornissaannut aamma TV-ikkut filmeranngorlugit isummersornissamik atugassanik saqqummiussisoqarniarnersoq ilanngullugu paaserusupparput.**
- 6. Tunngaviusumik inatsisiaq isumalioqatigissitani suliarineqartoq kingusinnerpaamik qaqgu naammassissava?**
- 7. Nunarput siamasissorujussuarmik inoqarfeqarpoq ilaatigut angallannermi tikikkuminaassinjaartunik, taamaattumik innuttaasunut paasissutissanik qaammarsaanissallu pinngitsoorneqarsinnaanngitsut assersuutigalugu Aviisit TV-ikkut saqqummiussisarnissat qanoq pilersaaruteqarfingeqarpat?**

(Inatsisartunut ilaasortaq Jens NapâtoK, Naleraq)



Naleraq

Tunngavilersuut:

Namminersorneq pillugu isumalioqatigiissitap sulinerminut massakkumut killiffia paaserusupparput, tassa sivitsorpoq massakkumut sulinerup killiffianik paasisaqrata. Tassami tamanna paasilluarnissaa pingaartipparput. Nunami naalagaaffinngornissamut namminersulernissamik anguniagaqartup suut siunnerfigalugit sulinersoq innuttaasut ersarissumik malinnaatinneqarlutik malinnaatinneqarnissaat.

Tassa isumaqarpugut Naalagaaffinngorniarnermik isumalioqatigiissitap sulinera innuttaasunut ersarissumik apuunneqartariaqalermat suut suliarineqarlutillu pilersaarutaanersut.

Apeqquit ullut suliffiit qulit qaangiutsinnagit akineqarnissaa kissaatigaara.